

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100



flügeln der adler. vñ han euch mir aufgenommen.
 Darumb ob ir hörent meyn stym vñnd behut
 meyn gelübdt. ir wert mir sunderbar von allen
 volcken. Alle die erde ist mein. vñ ir wert mir ein
 pfestlich reich vñ ein heyligs volck. Ditz sein dy
 wort die du solt redē zu dē sūnen israhel. Moys
 ses der kam. vñnd rufft zusamē dē merern der ge
 burt des volcks. Er legt in auß alle die ding. dy
 der herr het gebottē. Vñnd alles volck antwort
 miteynand. Wir thun alle dy ding dy d' herr hat
 geredt. Vñ do moyses het widerbracht dy wort
 des volcks zu dē herren. Der herr sprach zu im
 Nun yetzūd kum ich zu dir in der tuncle des
 wolckens. das mich daz volck hör redē zu dir. vñ
 es gelaubet dir ewigklich. Darumb moyses ver
 kunte dy wort des volcks zu dē herrē. do sprach
 got zu moysy. gee zu dem volck. vñnd heylig sye
 heut vñ morgen. vñ sy sullen waschē ir gewand
 vñnd sein bereit an dem dritten tag. Wan an dē
 dritten tag. so wirt der herr herab kumen vor al
 lem volck. auff den berg synay. Vñnd du schick
 dye ende dē volck durch dē ombkreyß. vñ sprich
 zu in. Flichend das ir icht aufsteigt an dē berg
 noch rürend seyn ennde. Eyn yegklicher der do
 rüret den berg der wirt sterben des tods. dye
 hend sullen den menschen mit anrüren. aber er
 soll versteinet werdē oder durchstochē mit ge
 schos. Es sey vñ oder mēsch. so soll es mit lebē
 wan er aber anfahet erklingen das hören. dann
 so sullen sy herauff auff den berg geen. Vñnd
 moyses steyt ab vñ dem berge zu dem volck vñ

heyliget es. Vñnd do sy hetten gewaschen ir ge
 wand. er sprach zu in. Seyt berayt an dē drittē
 tag mit genahent euch mit ewern weybern. Der
 dritt tag der kam yetzūd vñnd der morgen er
 schyne. vñnd seht sy begunden hörē dye thummer
 vñnd scheynen dye plitzen. vñnd eyn dunckel wol
 cken bedecken den berg. Vñnd der klang des ho
 rens durchhale stercklich. das volck. dz do was
 in dē herbergen. das vorcht sich. Vñ do sy moy
 ses hett aufgefūret von der stat der herbergē
 gegen got sy stunden zu den wurtzeln des ber
 ges. Wann aller der berg synai der roch. darūb
 das der herr was abgestigē auff in. in dē feuer
 vñnd der rauch stig auff von im als von eynem
 ofen. vñ aller d' berg was erschrockenlich. vñnd
 der don des horens wuchs gemelich. vñ ward
 gestreckt langtsamer. Moyses der redt. vñnd
 der herr antwort im. Vñnd der herre stige ab
 auff den berg synai. auff dy höhe des bergs. vñ
 vordert moysen in seyn höhe. Do der nun was
 auffgestigē. do sprach got zu im. Steig ab vñnd
 bezeuge dē volck. dz sy villeicht mit vbergeen dz
 zil zusehen den herrē. vñnd vergee auß in. ein
 vil meng. vñnd die pfaffen dye sich genahen zu
 dem herren dy werden geheyliget. daz er sy icht
 schlahe. vñ moyses sprach zu dē herrē. dz volck
 mag nit auffsteygen an den berg synai. Wann
 du hast es bezeuget vñnd heysen sagen. Setz
 dye zil omb den berg. vñnd heylig das. Der
 herre sprach zu im. Gee steyge ab. vñnd du
 gee herauff vñnd Aaron mit dir. vñnd dye